

華資工廠調查錄

(梅誌專)

(九十八)和盛祥涼果廠

本港涼果廠、大小都共十有餘家、而字號最老者、當推和盛祥廠、蓋自成立迄今、已六十餘年於茲矣、廠址在九龍長沙灣青山道、屬私人資本、故多少不詳、然以現在之全盤生財計之、爲值當亦不菲、記者昨往調查、蒙其主事者周君具答所問如後、

▲銷場 該廠以開設六十餘年之久、故其出品之銷場、遠及海外、如南北美洲、古巴、菲律賓南洋羣島及荷屬東印度安南暹羅各埠、

▲營業 該廠營業最盛時、每年曾做生意四十餘萬元、其數亦大足驚人、近年則以世界經濟困難社會購買力薄弱、故現每年約做生意二十萬元左右

▲工人 該廠共有男女工人約百十餘名、女工每日約得工值四五毫不等、而男工則爲僱工式、平均每月可得二十元左右、

▲概論 官及本業、周君云、涼菓一業、早年因家數不多、故競爭甚少、各廠獲利亦薄、近年則因家數驟增、遂至彼此互相攪奪生意、故獲利並不如外人所度之易云、